

Incumbensa da la fracziun da la PPS concernent il daner contant (emprim sutsegnader Sgier)

Malgrà che l'uschenumnada Iniziativa per il daner contant, che duai rinforzar il mantegniment dal daner contant sco med da pajament legal, è vegnida acceptada, sa mussa en il chantun Grischun ina tendenza creschenta envers il pajament exclusivamain digital. Ils 30 da mars 2026 ha la Regenza dà ina resposta negativa ad ina petiziun ch'è vegnida inoltrada cun passa 8000 suttascripziuns e che pretendeva, ch'ins possia pagar en ils autos da posta vinavant cun daner contant. Per exempel n'èsi er betg stà pussaivel da pagar cun daner contant tar ils parcadis chantunals durant ils gieus olimpics a Livigno.

Quest svilup sveglia dumondas davart l'accessibladad dals servetschs statals. Cunzunt persunas pli veglias ch'èn savens main versadas cun ils meds da pajament digital, èn dependentas dal daner contant. Quai pertutga er uffants e giuvenils: In uffant da 10 onns che na posseda ni in telefonin ni ina carta da credit, na po per exempel betg cumprar in bigliet en l'auto da posta, sch'i n'è betg pli pussaivel da pagar cun daner contant. Per differentas gruppas da la populaziun resta il daner contant uschia in element central per participar a la societad ed a la mobilitad independenta.

Sin basa da quai duai vegnir garantì, ch'il chantun Grischun ademplescha sia responsabladad e garantescha l'access a prestaziuns statalas e parastatalas per tut las persunas.

Las sutsegnadras ed ils sutsegnaders drizzan perquai la suandanta incumbensa a la Regenza:

La Regenza vegn incumbensada:

1. Da garantir che tut ils manaschis, las instituziuns e las purschidas ch'il chantun Grischun maina sez u controllescha dal tuttafatg, acceptian vinavant daner contant sco med da pajament.
2. Da procurar ch'er organisaziuns e manaschis parastatalas, als quals il chantun è participà u che adempleschan incumbensas publicas, garanteschian la pussaivladad da pagar cun daner contant.

Cuira, ils 23 d'avrigl 2026

Sgier, Rauch, Cortesi, Adank, Bärtsch, Berthod, Brandenburger-Caderas, Butzerin, Candrian, Casutt, Della Cà, Durisch, Dürler, Gort, Grass, Hefti, Heim, Koch, Lehner, Menghini-Inauen, Metzger, Morf, Roffler, Ruchti